



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

A Clemente XI. Ad Benedictum XIII.

**Luxemburgi, MDCCXLI.**

32. Injuncti Nobis &c. Communicatio & Extensio omnium Privilegiorum, &  
facultatum, quæ Ordinibus Mendicantium, & Congregationi Clericorum  
Regularium Ministrantium Infirmis competunt, ad ...

---

[urn:nbn:de:hbz:466:1-74859](https://nbn-resolving.org/urn:nbn:de:hbz:466:1-74859)



penitus omisso, & formā in illis traditā observata exprimerentur, & infererentur, præsentibus pro plenè, & sufficienter expressis, & insertis habentes illis aliās in suo robore permanens, ad præmissorum effectum hac vice dumtaxat specialiter, & expressè derogamus, ac derogatum esse volumus, cæterisque contrariis quibuscumque.

§. 7. Volumus autem, ut earundem præsentium literarum transumptis, vel exemplis, etiam impressis, manu alicujus Notarii publici subscriptis, & sigillo Personæ in dignitate Ecclesiastica constituta munitis, eadem prorsus fides ubique locorum, & gentium in Judicio, & extra illud habeatur, quæ haberetur ipsis præsentibus, si forent exhibitæ, vel ostensæ. Datum Romæ apud Sanctam Mariam Majorem sub annulo Piscatoris die 27. Julii MDCCVII. Pontificatus Nostri Anno Septimo.

F. Oliverius.

Fides habenda transumptis.

Dat. die 27. Julii ann. 1707.

Publicatio.

Anno à Nativitate D. N. Jesu Christi millesimo septingentesimo septimo, die prima mensis Augusti Indictione 15. Pontificatus SS. in Christo Patris, & D. N. D. Clementis Divina Providentia Pape XI. anno septimo supradictæ literæ Apostolica affixæ, & publicatæ fuerunt ad valvas Ecclesiæ Lateranensis, & Basilicæ Principis Apostolorum, necnon Cancellariæ Apostolicæ, Curiaque Generalis in Monte Citorio, ac in Acie Campi Floræ aliisque locis solitis, & consuetis Urbis, per me Benedictum Baldi Apost. Curf. Sebastianus Vafellius Mag. Curf.

XXXII.

COMMUNICATIO

Et Extensio omnium privilegiorum, & facultatum, quæ Ordinibus Mendicantium, & Congregationi Clericorum Regularium ministrantium Infirmis competunt, ad Congregationem Fratrum Bethlehemitarum.

CLEMENS PAPA XI.

Ad futuram rei memoriam.

Exordium.

Injuncti Nobis cælitus Pastoralis Officii ratio potulat, ut paternam Sacrarum Religionum, & Congregationum Christianæ charitatis, & Hospitalitatis operibus ex professo laudabiliter incumbentium curam gerentes pium illarum exercitium, & Institutum, quo labores expeditius suscipiendo, illud alacrius continent, & ferventius exequantur, liberalibus gratiam, & privilegiorum muneribus confoveamus, prout in Domino confpicimus salubriter expedire.

§. 1. Cum itaque, sicut Dilectus Filius Michael de Jesu, & Maria Congregationis Fratrum Bethlehemitarum nuncupat, in Hospitalibus Pauperum Convalescentium in Indiis Occidentalibus se exercentium in Romana Curia Procurator Nobis nupèr exponi fecit, dictæ Congregatio aliās à fel. rec. Innocentio PP. XI. Prædecessore nostro per quasdam suas desuper in simili forma Brevis die 26. Martii 1687. expeditas literas in Religionem erecta fuerit, Frates verò dictæ Congregationis tria essentialia vota in illa ad instar cæterorum Ordinum, & Institutorum à Sede Apostolica confirmatorum de præsentibus emittant, aliæque multiplici, atque insignia pietatis, & Christianæ charitatis opera erga Pauperes, & Convalescentes in eorum Hospitalibus degentes non sine spirituali animarum beneficio exercuerint, & in dies exercere non desinant. Ut autem illa temper impensius, & indefessè obeant, & conti-

Congregatio Bethlehemitarum erecta fuit ab Innocentio XI.

nent, ipse Michael plurimum cupiat gratias, & privilegia Ordinum Mendicantium, & Congregationis Clericorum Regularium Ministrantium Infirmis, quæ alias rec. me. Urbanus PP. VIII. Prædecessor pariter: noster Ordini, tunc Congregationi nuncupat. Fratrum Sancti Joannis Dei communicavit, & concessit: Nosque subinde nempe die xxv. Junii MDCCI. per quasdam nostras in simili itidem formā Brevis desuper expeditas literas ad Congregationem charitatis sub titulo S. Hippolyti Martyris in Indiis sub certis modo, & formā tunc expressis extendimus, prædictæ Congregationi Fratrum Bethlehemitarum, illiusque Fratribus, & locis à Nobis pariter communicari & concedi.

§. 2. Nos eandem Congregationem Fratrum Bethlehemitarum, & pia illius Instituta confovere, & promovere, ac proinde d. Michaellem, & dilectos Filios Frates Congregationis hujusmodi specialibus favoribus, & gratiis prosequi volentes, & eorum singulares Personas à quibusvis excommunicationis, suspensionis & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causâ latis, si quibus quomodolibet innodatæ existunt, ad effectum præsentium dumtaxat consequendum harum sese absolventes, & absolutas fore censentes supplicationibus ejusdem Michaelis nomine Nobis super hac humiliter porrectis inclinati, de Venerabiliam Fratrum Nostrorum S. R. E. Cardinalium negotiis, & Consultationibus Episcoporum, & Regularium præpositorum consilio, & attentâ relatione Dilecti Filii nostri Thomæ Mariæ Ferrarii tituli S. Clementis ejusdem S. R. E. Presbyteri Cardinalis S. Clementis nuncupati super præmissis dictis Cardinalibus factâ, omnia, & singula privilegia, prerogativas, concessionis, favores, facultates, declarationes, conservatorias, immunitates, exemptiones, libertates, cæterasque gratias, præminentias, & indulta, cujusvis generis existentia, spiritualia, & temporalia, quascumque illa sint, dummodò tamen sint in usu, & non sint revocata: vel aliquibus revocationibus comprehensa, ac sacris Canonibus, & Concilii Tridentini Decretis, aut Apostolicis Constitutionibus, & Ordinationibus, vel memoratis Regularibus dictæ Congregationis Bethlehemitarum Institutis non adveniant, prædictis Ordinibus Mendicantium, & Congregationi Clericorum Regularium Ministrantium Infirmis, eorumque Conventibus, domibus, & aliis locis Regularibus, ac Ordinum, & Congregationis hujusmodi Generalibus, Præsentibus & quibusvis aliis Superioribus, Prælatibus, & Capitulis etiam Generalibus, Provincialibus, seu intermediis eorumque Diffinitoribus, Prioribus, Novitiis, Fratribus, Conversis, Donatis, & quibusvis eorum Regularibus Personis tam in Urbe, quàm etiam in quibuscumque Mundi partibus existentibus, & illorum intuitu, aut aliis quomodolibet per quoscumque Romanos Pontifices Prædecessores nostros, seu per Nos, & Successores nostros, aut aliās auctoritatem habentes concessa sunt, & concedentur, ac quibus de jure, usu, vel consuetudine, privilegio; seu concessione Apostolica in genere, vel in specie, ac tam conjunctim quàm divisim, aut aliis quomodolibet utuntur, fruuntur, potiuntur, & gaudent, ac uti, frui, potiri, & gaudere possunt, & poterunt in futurum, ad prædictam Congregationem Bethlehemitarum, & singula illius Hospitalia, domos, & alia loca Regularia, illorumque Superiores, Prælatos, & quascumque Regulares Personas auctoritate Apostolica tenore præsentium perpetuò extendimus, illaque eis communicamus, & de novo concedimus, ac suffragari volumus.

De consilio Sac. Congregationis Episcoporum, & Regularium.

Omnia Indulta concessa, & concedenda Ordinibus Mendicantibus, & Congregationi Ministrantium infirmis.

Amplissimè extendit, & communicat Congregationi Bethlehemitarum, ejuşq; domibus.

§. 3. De-



Constitutionem roborat clausulis factorialibus, & decreto irritanti.

Executores deputat locorum Ordinarios, & A. C.

Cum amplissimis derogatoriis.

§. 3. Decernentes easdem præsentis literas semper, & perpetuò firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quodcumque spectabit in omnibus, & per omnia plenissimè suffragari, & ab eis respectivè inviolabiliter observari. Sicque in præmissis per quoscumque Judices ordinarios, & delegatos etiam causarum Palatii Apostolici Auditores judicari, & definiti debere, ac irritum, & inane si secus super his à quoquam quavis auctoritate scienter, vel ignoranter contigerit attentari.

§. 4. Quocirca Venerabilibus Fratribus Patriarchis, Archiepiscopis, & Episcopis, aliisque locorum Ordinariis quibuscumque, nec non Dilecto Filio Casarum Curia Cam. Apost. Generali Auditori per præsentis committimus, & mandamus, quatenus quilibet eorum per se, vel alium, seu alios præsentis literas, & in eis contenta quæcumque ubi, & quando opus fuerit, ac quoties pro parte Generalis, & Fratrum d. Congregationis Bethlehemitarum fuerint requisiti, solemniter publicantes, eisque in præmissis efficacis defensionis præsidio assistentes, faciant auctoritate nostra eandem plenum earum effectum sortiri, & obtinere, illisque omnes, quos concernunt, pacificè frui, & gaudere; non permittentes quemquam desuper contra illarum tenorem sub quovis Prætextu, & causâ etiam defectu intentionis nostræ per quoscumque quomodolibet indebitè molestari, quinimò quidquid in contrarium attentari, vel fieri contingeret, omninò semper in pristinum reponi: Contradictores quoslibet, & rebelles etiam per quascumque, de quibus eis videbitur, censuras, & pœnas Ecclesiasticas, & alia oportuna juris, & facti remedia, appellatione postpositâ, compescendo, legitimisque super his habendis servatis processibus, censuras, & pœnas ipsas etiam iteratis vicibus aggravando, invocato etiam ad hoc, si opus fuerit, auxilio brachii secularis.

§. 5. Non obstantibus præmissis, ac piæ memoriæ Bonifacii PP. VIII. etiam Prædecessoris nostri de unâ, & in Concilio generali editâ de duabus dietis, dummodò ultra tres dietas aliquis auctoritate præsentium in judicium non trahatur, aliisque Constitutionibus, & Ordinationibus Apostolicis, ac Ordinum, & Congregationis Clericorum Regularium hujusmodi etiam juramento, confirmatione Apostolicâ, vel quavis firmitate aliâ roboratis, statutis, & consuetudinibus, privilegiis quoque, indulgitiis, & literis Apostolicis sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis quomodolibet etiam pluries concessis, confirmatis, & innovatis; Quibus omnibus, etiam si pro illorum sufficienti derogatione de illis, eorumque totis tenoribus specialis specifica, & individua, ac de verbo ad verbum, non autem per clausulas generales idem importantes, mentio, seu quavis alia expressio, aut aliqua alia exquisita forma ad hoc servanda foret, & in eis caveatur expressè, quod illis nullatenus, aut nonnisi sub certis modo, & formâ derogari possit, tenores hujusmodi, ac si de verbo ad verbum nihil penitus omisso, & forma in illis tradita observata, inserti forent, præsentibus pro sufficienter expressis, & insertis habentes, hac vice dumtaxat specialiter, & expressè derogamus, ceterisque contrariis quibuscumque; Aut si aliquibus communiter, aut divisim ab eadem sit Sede indultum, quod interdicti, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de Indulto hujusmodi mentionem.

§. 6. Volumus autem, ut earundem præsentium literarum transumptis, seu exemplis etiam impressis, manu alicujus Notarii publici subscriptis, & sigillo Personæ in Dignitate Ecclesiasticâ constitutæ munitis eadem prorsus fides in judicio, & extra adhibeatur, quæ præsentibus ipsis adhiberetur, si forent exhibitæ, vel ostensæ. Datum Romæ apud S. Mariam Majorum sub Annulo Piscatoris die 28. Julii MDCCVII. Pontificatus Nostri Anno septimo.

F. Oliverius.

### DECLARATIO

Nullitatis gestorum à Præside, aliisque Ministris, & Officialibus Regiæ Audientie Civitatis Aquilanae, libertati, & Immunitati Ecclesiasticæ præjudicialium, tam circa cujusdam Rei, qui Clericatum allegaverat, condemnationem, non expectatâ desuper declaratione Ecclesiæ, quam circa sequestum bonorum Mensæ Episcopalis Aquilanae, & subinde secutam ejectionem bon: mem: Ignatii de la Zerda tunc Episcopi Aquilanae à sua Diocesi, cum illorum omnium damnatione, revocatione, & abolitione.

### CLEMENS PAPA XI.

Ad futuram rei memoriam.

**A**B ipsis Pontificatus nostri primordiis non sine gravi animi nostri molestiâ seridè perpenderit quot, quantasque non multò ante obitum fel. rec. Innocentii Papæ XII. Prædecessoris nostri tunc in humanis agens bo: me: Ignatius de la Zerda, dum vixit, Episcopus Aquilanae, ærumnas, & contumelias à tunc existentibus Præside, Auditoribus Rotæ, Advocato Fiscali, aliisque Ministris, & Officialibus Regiæ Audientie Civitatis Aquilanae, pertulerit, eò quia Ecclesiæ jura facta tecta pro viribus tueri, illaque à Laicorum violationibus fideliter, ac strenuè asserere non dubitaverat.

§. 1. Nobis siquidem innotuerat, quòd aliàs postquam d. Ignatius Episcopus q. Josephum Carosi, qui unius, seu plurium homicidiorum reus afferebatur, Clericali caractere, quemadmodum ex pluribus testimonio depositionibus, aliisque non levibus documentis apparebat, insignitum, in potestatem Curia Laicalis dictæ Civitatis incidisse, ipsamque Curiam ultimi supplicii sententiam in illum jam latam executioni demandari facere paratam esse compererat, sub comminatione censurarum Ecclesiasticarum Ministris, & Officialibus præfatis monuit, ut dictum Josephum unâ cum actis ad suam Curiam Episcopalem remitterent; quod cum illi, suspensâ dumtaxat contra eundem Josephum sententiæ supradictæ executione, minimè præstitissent, eos iterum, parendo mandatis Congregationis tunc existentium S. R. E. Cardinalium Immunitati Ecclesiasticæ, & controversiis Jurisdictionibus præpositæ, sub eadem comminatione monuit, ut ipsum Josephum sibi consignarent, ad effectum cautè eum custodiendi in carceribus Ecclesiasticis, vel saltem illum, præviâ debitâ cautione, in carceribus Laicalibus nomine Ecclesiæ pro tutiori custodia retinerent; donec ipse Ignatius Episcopus omnibus maturè perpensis, ac servandis declarasset, an de Clericatu ejusdem Josephi verè constaret.

§. 2. Verùm per Ministros, & Officiales prædictos comminatione censurarum hujusmodi penitus contemptâ, idem Josephus ad ultimum supplicium traductus, eoque affectus fuit; Unde

dictus

Fides adhibeatur transumptis.

XXXIII.

Ponderat ærumnas, quas ex causa tunc Ignatius Ecclesiasticæ passus fuit bo: me: Ignatius de la Zerda Episcopus Aquilanus.

Narrat, illum anathema vixisse in Ministris Regiæ Audientie ob affectum ultimo supplicii Clericum Josephum Carosi.